

UMUBANO MWIZA W'ABANA N'ABABYEYI MU MURYANGO

Ababyeyi n'abarezi bakwiriye kwiga uburyo bwo gukuza amajyambere y'umwana hatabayeho kuyabera imbogamizi bakoresha igitsure no kubakumira bikabije cyangwa bidakwiriye. Gukabya mu gukurikirana abana ni bibi kimwe no kubigendamo biguruntege. Gukoresha umuhati mu gucecekesha ubushake bw'umwana ni ikosa rikomeye cyane. Abantu bateye mu buryo butandukanye; nubwo gukoresha imbaraga byatera umwana kumvira cyangwa kuganduka kugaragara inyuma, ariko ingaruka zizaba ku bana benshi ni ukurushaho kwigomeka mu mitima yabo. Nubwo umubyeyi cyangwa umurezi yagera ku mugambi we wo gutegeka umwana nk'uko abishaka, ingaruka ku mwana zizarushaho kuba mbi. Amabwiriza ahabwa umuntu ugeze mu kigero cyo kuba yakwitekerereza akwiriye gutandukana n'uburyo bukoreshwa batoza inyamaswa zitavuga [...]. Igihe abana bari muni y'amategako y'umuntu ubatega, bashobora kugaragara nk'abasirikare bagendera kuri gahunda; ariko igihe gutegekwa bivuyeho, uzasanga imico yabo ibuze imbaraga no gushikama. —***Uburezi, p.300***

Ubushake bw'umwana bukwiriye kuyoborwa no kugororwa, ariko ntibwirengagizwe cyangwa ngo butsikamirwe. Ni ngombwa kurinda ubusugire bw'imbaraga z'ubushake bw'umwana kuko izo mbaraga zizakenerwa mu rugamba rw'ubuzima. —***Uburezi, p.301***

Hariho ibyo abana bakwiriye gukorerwa n'ababyeyi babo, ibyo ababyeyi bakaba bakwiriye kubimenya kandi bakabyitaho. Bakeneye kwigishwa no guhugurwa ngo na bo bazabe ingirakamaro, bubahwe, kandi ngo bakundwe n'abo babana, kandi ngo babe abafite imico iboneye kandi yera no mu bihe bizaza. —***Inama zigirwa itorero, p.236.***

Abana babaye abakristo, bazajya bahitamo urukundo n'ingeso nziza by'ababyeyi babo bubaha Imana babirutishe imigambi yose yo mu isi. Bazajya bakunda kandi bubaha ababyeyi babo. Ikigisho kimwe mu byigisho by'ingenzi mu mibereho yabo gikwiriye kuba uburyo bwo kunezeza ababyeyi babo. —***Inama zigirwa itorero, p.237.***

Babyeyi, nimunanirwa kwigisha abana banyu ubwenge Imana yagize inshingano mu zo kubigisha, amaherezo muzabibazwa. Amaherezo yabyo ntazaba ku bana gusa. —***Inama zigirwa itorero, p.240.***

Babyeyi beza dukunda, turasaba kugira ngo Uwiteka abongerere ubwenge bwo kudufasha no kurushaho kutwitaho muri byose, kandi natwe aduhe kuyoborwa na we kugira ngo tudatwarwa n'irari ndetse n'imbaraga za gisore zitwerekeza mu bibi ku bw'umwanzi maze tukazabura ubugingo buhoraho. Rubyiruko namwe babyeyi bacu beza, reka twese tugire uruhare rwo gutuma mu rugo haba impumuro nziza iranga urugo rwa Gikristo, mu izina rya Yesu. Amen!